

ILUARSISSUT
 (siunnersummut ulloq 22. februar 2010-mik ullulerneqarsimasumut taartaasoq)

**Siunnersuut: Siusinaartumik pensionisiat pillugit Inatsisartut peqqussutaata
 allanngortinneqarnissaa pillugu Inatsisartut peqqussutaat nr. xx, xx 2010-meersoq**
 (Siusinaartumik pensionisiat annertussusaannik allannguut, toqusoqartillugu aningaasanik tunniussisarnerit atorunnaarsinnejnarneri kiisalu oqaatsitigut erseqqissaanerit)

§ 1

Siusinaartumik pensionisiat pillugit Inatsisartut peqqussutaat nr. 4, 7. maj 2007-meersoq, Inatsisartut peqqussutaat nr. 1, 26.november 2009-meersumi allanngortinneqarsimasoq imatut allanngortinniarneqarpoq:

1. § 8 ima oqaasertalerneqassaaq:

”**§ 8.** Siusinaartumik pensionisiat imatut annertussuseqarput:

- 1) Siusinaartumik pensionisialimmumt kisermaamut ukiumut 100.000 kr.-nit,
- 2) Aappariinnut, aappaanna siusinaartumik pensionisiaqarpat, ukiumut 100.000 kr.-nit aamma aappaasoq pisortanit pensionisanik sunilluunniit pisartagaqanngippat.
- 3) Aappariinnut tamarmik siusinaartumik pensionisiaqarsinaatitaasunut ukiumut 150.000 kr.-nit.

Imm. 2. Aappariit, aappa siusinaartumik pensionisiaqarpat aappaalu utoqqalinermi pensionisiaqarpat, pensionisiat tamakkiisut ukiumut 152.600 kr.-nit.

Imm. 3. Imm. 1-im aamma 2-mi aningaasat taaneqartut Naatsorsueqqissaartarfip atuisunut akitigititaanut naleqqersuuta tamanut saqqummiunneqartoq tunngavigalugu naatsorsorneqartassapput. Siusinaartumik pensionisiassat atuisunut akititanut naleqqersuutip pointinik pingasunik allanngorneratigut 3 %-imik iluarsineqartassaaq. Iluarsiineq januarip aallaqqaataani siullermi tulliuttumiit atuutilertassaaq, julip aallaqqaataani atuisunut akititanut naleqqersuut tunngavigalugu.

Imm. 4. Aningaasat iluarsineqarsimasut ukiut tamaasa januarip aallaqqaataani Naalakkersuisunit tamanut saqqummiunneqartassapput.”

2. § 9, imm. 2 ima oqaasertalerneqassaaq:

”*Imm. 2. Siusinaartumik pensionisiaqarnissaq appartinneqassaaq isertitassatut akileraarutaasussatut killiliunneqarsimasut qaangerlugit qaffakkiartuaarsimappata:*

- 1) Siusinaartumik pensionisialimmumt kisermaamut ukiumut 180.000 kr.-nit.
- 2) Aappariit tamarmik siusinaartumik pensionisiaqarsimappata ukiumut 270.000 kr.-nit.
- 3) Aappariinnut, aappaanna siusinaartumik pensionisiaqarpat, aapparisaa pisortanit pensionisanik sunilluunniit pisartagaqanngippat ukiumut 270.000 kr.-nit.
- 4) Aappariinnut, aappa siusinaartumik pensionisiaqarpat aappaalu utoqqalinermi pensionisiaqarpat ukiumut 300.000 kr.-nit.”

3. § 18 ima oqaasertalerneqassaaq:

"§ 18. Utoqqalinermi pensionisiaqartut kommunimut Naalakkersuisunulluunniit nalunaaruteqarnissamik pisussaatitaapput, utoqqalinermi pensionisiamik iluarsiivigineqarnissaannik unitsinnejarnissaannilluunniit kinguneqarsinnaasumik inuttut atugarisamigut aningaasaqarnermigullu allannguuteqartoqarpat.

Imm. 2. Siusinaartumik pensionisiaqartitaaneq atorunnaassaaq piumasaqaataasut eqquutsinnejarnissaajunnaarpata imaluunniit tunniussineq eqqunngitsumik tunngaveqarsimappat.

Imm. 3. Inuttut atugarisanut aningaasaqarnermullu tunngasutigut eqqunngitsumik paasissutissiisimaneq tunngavigalugu pissusissamisuunngitsunik utoqqalinermi pensionisiaqartitsisoqarsimappat, aningaasat pisassarinngisat utertillugit akilerneqarnissaat piumasaqaataasinnaavoq, imaluunniit pensionisiassanit ilanngaatigalugit akilersorlugit unerartinneqarsinnaallutik."

4. § 21 ima oqaasertalerneqassaaq:

"§ 21. Kommunalbestyrelsi naliliippat siusinaartumik pensionisiallip aningaasaqarnini isumagisinnaanngikkaa, siusinaarluni pensionisiat, matumani inummut tapiutit meeqqallu tapii ilanngullugu aqutsivigineqarnissaat aalajangiiffiqeqarsinnaavoq."

5. § 22, imm. 2 ilanngunneqassaaq:

"Imm. 3. Pensionisiaqartup toquneranut atatillugu aappariinni qimanneqartoq, § 4 naapertorlugu qaammammi toqqukkut qimaguffiusup naanerata kingorna qaammatini marlunni siusinaartumik pensionisiassanik tigusaqartassasoq."

§ 2

Inatsisartut peqqussutaat 1. juli 2010-mi atuutilissaaq.

Kalaallit Nunaanni Namminersorlutik Oqartussat xx.yy 2010

Kuupik Kleist

/

Maliina Abelsen